



菱荷園文集

和16
1777
3



特
1777
3

芝荷園文集

卷之

靜好館藏

自

辜

一

罪

于寶晉紀干

干 犯 犯 已 已

侵

德

德

靜好館藏

芟荷園文集初編卷之五

筑波

石正猗仲綠著

葛盧

田 懿 隲 數 校

五言絕句

閉門

閉門久苦吟不知幾時定此曲為誰裁欲令何世聽

江口憶友人

江花逐江水江水奈深何王孫從此去相思春艸多

山中柬人

朦朧春草夕月下苦思君欲贈又何物
筑波一片雲
別全牛師歸雲州

雲中何處是天盡海南隅欲灑人間淚
謾沾衣裡珠
歌伎

新聲令客艷曲曲轉堪憐纖手潔如玉
停箏續斷絃
折楊柳一闋別人

江頭楊柳樹秋早欲摧枝不似春風柳
掛絲繫別離
胡姬曲

胡姬年十五肌潔羅衣透未慣倚垂楊
却嫌纏長袖

繁華傾五都絡繹酒壚下認得同鄉人
平安報阿姐

歲暮南隣人贈梅賦謝

梅花雪裡色折得自持來纔是過牆外
南隣先已開

題畫

夾岸野桃開艇橫淺水隈渡頭延佇客
應待吾師來
春夜芰荷園懷子直時子直在萱洲

朧朧園樹色惱思入長歌爾在萱洲上
可能忘芰荷
題畫為大木氏

不省明月出何來浮水濱瓊花與翠鳥
似媚滿堂人

薜荔園六咏應肥子直請

飛鳥從南國搏來此地新年年千樹色能自醉都人

右飛鳥山

並轡春遊客踏青馬足勞鐘聲花際落始仰梵宮高

右金輪寺

鳴湍走亂石春樹映清沙堤上詠歸暮逐流漱落花

右豐島川

曠野蒼陰合轉迷蹊路新家家栽果樹多是素封人

右蘓迷原

螭壕何磊砢冢上白沙頽欲問桑滄變老翁安在哉

右螭壕冢

維昔東征日王師懸冑禱于今松栢中寒射平陵道

右平陵祠

月下吟

林表懸明月庭陰生夜涼似憐獨坐者臨簟故添光

思君恩

粉黛入宮日承恩雨露新何知桃李色別有玉階春

西興詞

誰道慣離別莫着不斷腸春潮如有意送妾到君鄉

擁爐

自怪畏寒怯杜門風雪中衰顏歲云暮親爾爐火紅
子夜春歌

朝出望歡來東風向暮厲何如桃李花片片襲儂袂
獻吉移居分賦十物得書笈

遺笈纔堪負何須勞五車別有腹中物高眠曬落花
子羽齋中八物分賦塵尾

塵尾琅玕柄談終掛帳前不許人持去知自王家傳

同前酒瓢

每遇問奇人頽然終日醉儻無沽酒錢只自枕瓢睡
僧至

楚然空谷響白足具袈裟欲聽三生語相迎掃石華
寄題土左祝眉公家園蟾蜍石

蟾蜍化石日驅叱置園中夜夜吐明月照來一畝宮
夏日招高生

長夏苦炎熱解衣卧草廬携來漂麥雨向晚灑庭除
翠竹亭十物分賦鍾山

洞壑諸僊客由來製造工多鍾美人乳遙損綠雲中

同前如意翠竹亭十物分賦如志

宛轉虬龍首握中欲吐雲平生愛此物更貼幾人文

題韓奴遇雨圖應井龍湖請

朝回韓國使遇雨鳳城陰冠蓋渾霑濕應知恩澤深

高尾道中五絕

駕出西郊外客心已覺遙孤村秋社近朝日酒帘飄

右高闈

古驛行人少神壇六所開何年華表折白鶴不曾來

右府中驛

道喝心如醉玉河停杖視躊躇欲嗽時先愛川流媚

右玉川

昔日綠沈鎗千兵分作隊升平樂事饒那用備邊塞

右千兵坊

八水爭鳴咽奔流回古關停鞭仰止處雲際出高山

右雲溪關

題滕子文畫廚

主人圖寫工愛惜貯斯中慎勿寄靈寶通神恐御風

鵜君士寧惠鯉走筆為謝

鯉魚三尺餘籃底銜書屈欲開還恐飛本是龍門物

題春啟師山房壁

妙齡奉師日採汲又何難風雪山中暮應同檀特看
餘暇耽詩賦憑軒藻思開齋前溪水色看取養淵才

重遊琵琶瀑二首

瀑勢激於舊雨餘虹倒垂靈妃頻促柱似慍重來遲
風湍不可近飛沫若鑿鑿踞石欲銜杯酒中龍影躍

高尾海嶽樓雜詠七首

相字可疑

重霧籠初日纔晴分岸谷前山未吐雲知是龍眠熟
紅日山光動蒼烟塔影隱揚來相海潮偏傍梵音近
南天歸霽後遠海自依微遙指疑群鳥風帆飛不飛
山樓白日靜目送亂雲過溪頭人不度蟬噪雜樵歌
風起谿毛末俄然振嶺樹亂飛鳩鴿喧欲奪他山雨
危石階前峙古林簷外深仰者松子落梢露灑人襟
人家幽谷底烟火樹間微待月坐深夜紫嵐侵我衣

七言絕句

公子行

金勒雕鞍白玉韉平明挾彈渭橋邊醉來欲向垂楊道春遍驂騑驕不前

雞鳴曲

雞鳴殘月靄深暉梳罷朝來欲著衣阿母無端裁孔雀不知儂早解雙飛

漢宮春怨

西宮深坐送春光桃李花開空自香片片風來愁處落羨者吹轉向昭陽

漢宮秋怨

宮妝含態倚箜篌猶是深情不道愁女伴催來携步月羅衣露冷玉階秋

寄美仲戲之

桂酒蘭樽琥珀杯管絃聲起楚王臺望中知是多雲雨此夕誰移枕席來

懷仙閣集同賦雲母障

障裡風生雲母開披襟避暑此銜杯夕陽送色階除外綠樹清泉巧透來

春雁

旅雁春來此地違，數聲高向朔雲飛。徒令孤客鄉心切，那得天涯伴爾歸。

雪集懷仙閣得齊字

詞客翩翩授簡齊，相逢此日賦新題。雪花更似憐高宴，飛入仙樓玉樹迷。

戲代美仲寄舊妾

盈盈一水隔西東，纖月生憎各處同。收淚重裁合歡扇，莫將離思恨秋風。

同美仲遊雞棲谷醫王臺

攜手醫王臺畔遊，上方空翠拂衣浮。雞棲谷口涼秋水，直作瑠璃月裡流。

搗衣曲

搗衣聲斷坐深更，淹淚裁成獨夜情。手自慙勤盈篋送，隨風好早到邊城。

壬子冬暫歸筑波田廬時余止酒

五柳依依對主人，秋來空負菊花新。臘前無意開家醞，獨坐蕭條頭上巾。

美仲臥病賦寄

獻賦者君司馬才病中懷抱向誰開莫言明主恩元
淺玉露寧無分一杯

西肥洞明師見過有詩和荅

負郭蕭條過客疎塵中歲晚一牀書阿蘓山上摩尼
色此日携來滿草廬

二首字可

初春夜懷君瑞越公賦此奉寄二首

梅花人日滿南枝弱柳千條弄色時借問風流越公
子寧無酩酊畫雙眉

多少紅妝翡翠鬟翩翩勸酒冶容開情知後苑梅花

色不及君家如玉顏

醉中新曲寫琵琶舉案蛾眉出絳紗便報解醒美已
熟蘭燈挑盡影將斜

春日送首藤子高還長門十二首

祖帳天低柳色清驪駒門外向風鳴千金寶劍如霜
雪開匣臨歧欲贈行

都門出餞曙雲開駐馬銜杯解客顏莫謂交情元自
淺請君聽我唱陽關

日本橋邊品水濱雨過陌上泥輕塵翩翩躍馬開行

色知是泱泱大國人

青袍一著混書生彩筆還高作賦名好是芙蓉經過
日聊攀白雪鬪蟬聲

日暮函關立馬看相山風色客衣寒啼猿處處何堪
聽掩淚應歌行路難

三河如帶抱城流驛樹西連海色收橋畔春風春水
遍褰裳過去杜蘅洲

關河繚繞海雲涯月落征途匹馬遲五十驛亭行欲
盡江山幾處入新詩

年少

天邊近指五雲浮二月春風入帝州處處青樓如
女令君能自繫驂駒

玉作芙蓉連劍烏錦為翡翠簇衣裳相逢少誇羅
綺君自風流不可當

攝陽佳麗暫徘徊把酒浪華江上臺萬里海天波浪
穩春風明日大帆開

蒼溟蜃氣起城樓落照晴搖島嶼浮武庫山雲多變
態勿為風雨激陽侯

海門中斷廣陵分解纜知君入綵雲潮落孤舟明月

艾尚園文集 卷之 十一 詩好

夜靈妃瑟調不堪聞

天邊赤馬暮雲疎路入周南萬里餘倘遇子龍煩致訊淹留何事久無書

白雲西望是長門到日煙花滿故園遙憶逢迎何處遍春風那得不開樽

城頭花樹遶溝渠少長相攜興有餘醉裡三春行樂盡舉杯時戀武昌魚

觀狩氏畫龍屏風席上賦贈

憐爾丹青妙入神坐來揮出綵毫新屏風七尺雲煙

起忽見真龍驚殺人

得石叔潭書云客張陽既五年而歸與之嘆已甚賦寄之

自携妻子入蓬壺新卜高居帝座隅日月人間纔五歲聞君早已厭仙醕

明妃曲

宴酣頻勸紫駝酥錦帳宵深燭影孤學得漢宮新樂府豈知今日奉單于

月下酌和太田公子

何來明月照朱門，捲幔天河接紫垣。
更爲淳于傾數石，高堂燭滅合金樽。

送勢陽深誠之中伯義朱子武井東發從侯
歸藩三首

玉節歸藩五驥驅，追陪千騎下東方。
錦衣好映殘春色，並轡翩翩向故鄉。
海澤雲蒸瘴氣多，加餐各自慎風波。
莫愁天外家鄉遠，萬里山河指掌過。

朱轡畫戟過河干，文老相迎夾道看。
陪從如雲皆將

種腰間寶劍，雪霜寒。

到日佳人倚翠樓，依然舉案薦珍羞。
刀環無恙如明月，堪解金閨夢裡愁。

攜壺引杖日窺園，桃李殘芳過雨痕。
縱使家庭多勝事，那能不憶武陵源。

春日漫興

玄都千樹映群山，花底誰能不醉還。
簾外春光看欲盡，劉郎卧病在人間。

乘春年少出城頭，並轡日探郊外幽。
依舊門前楊柳

橙青青不解繫驂驄

城南城北百花飛折簡同人報詠歸恨殺長為多病客未知何處試春衣

字子迪暫省其鄉于瀟水賦別

夾道垂楊映綵衣何堪客裡戀親闈傳聞瀟上泉如酒行矣高堂獻壽歸

涖房裁就錦文歌欲寄天涯獨自嗟一曲鳳簫相和處窺陞明月更婆娑

喜見庭階玉樹連鳳雛雙唱戲牀前月中不但徐之玉

對兼識文姬辨絕絃

子規啼

營廬近傍小芙蓉起見庭柯曉氣重天際子規如有意一聲低在第三峰

聞野長庚田子噐泛舟賦寄

連天匹練大江流橋勢如虹跨二州此夕乘涼停棹處清風朗月滿扁舟

姬人怨服散

丹成夫婿駐紅顏自道青天獨可攀簫史當年乘鳳

去誰聞弄玉在人間

洞房春色玉笙分
白日將開丹竈雲
天上縱無僊桂
樹嫦娥那得不憐君

早起對雪

雪色搖情落月沈
何人昨夜下山陰
興來縱欲停孤
棹窮巷應迷叢桂深

和荅海鱗師夜雨見懷

風雨春宵暗草堂
滿園花樹更蒼茫
投來鉢裡龍珠
色遍照還看明月光

烏夜啼

何處烏啼夜未央
褰簾深見月如霜
飛來三匝瑤階
樹猶是聲聲斷妾腸

懶山師首版于夏社賦寄

雨花臺上五雲飛
半座金蓮紛映衣
柏樹更含長夏
色朝來直指發清機

題紫氏圖

琵琶湖上白雲流
女史齋居明月浮
一自妝成窺石
鏡長令彤管照千秋

寄遠曲

霜落窗前木葉稀，天涯何處寄寒衣。
誰知獨夜金閨夢，遙向黃龍塞上飛。

九日韓公至喜賦

南山風雨更淒其，漉酒巾寒頭上垂。
多謝携來廬嶽興，故教秋色滿東籬。

采蓮曲

十五乘潮嬌自多，蘭橈回去溯江波。
望郎近隔荷花語，不怕風濤濕越羅。

塞下曲

沙塞風霜卧鐵衣，悲笳夜靜徹金微。
一時倚劍齊回首，龍雀環頭明月飛。

冬月圓

綆索冰垂銀井欄，空懸圓月玉階寒。
誰言金屋留春色，寧信長門獨夜看。

從軍行

夜深霜色滿雕弓，鐵馬悲鳴向朔風。
回首那愁青海月，流光萬里照機中。

送宗峰師還加陽桃雲精舍

雲遊歸去北州山，山上桃花流水閑。到日縱逢麻飯熟，重來莫厭下人間。

送野公輿遊玉笥山

霓裳處子玉為顏，朝罷翩翩帝所還。峯上一從開玉笥，至今仙液注人間。

暫遊十里惜離群，君去將攀玉笥雲。歸日寧無持贈物，滿山瑤草總榮芬。

送潭堂師還南紀

遙望新宮南海隅，潮光斗色接天墟。龍王夜夜風濤上，欲待袈裟獻大珠。

送一瑛師遊南海

江頭四月子規飛，怨別人間淚滿衣。到處縱貪海珠色，好紆真果不如歸。

烏棲曲

琪樹烏棲八九兒，連飛三匝第三枝。慙慙莫隔紗窗語，關塞分明入夢時。

少年行

當壚長袖鬱金香，香撲春風錦襖香。
臂上珊瑚鞭尚，在寧辭換酒擁紅妝。

夜後啼得十三元

十二峯巒月色昏，霜深峽樹擁雲根。
三聲驚破愁人夢，雙淚何堪聽曉猿。

梅花落

邊關何處問梅花，夢後孤城月影斜。
忽聽曉風羌笛起，一聲吹落滿誰家。

隣花

坐見隣園桃李春，枝枝爛熳隔牆新。
送香終日東風起，何必斯時問主人。

蹋歌詞

蹋歌連袂大堤春，花下含嬌一曲新。
自是東風飄柳絮紛紛，故襲細腰人。

尋道觀

松花片片石壇新，金鼎雲生常駐春。
齊唱步虛明月下，學他同著禮星巾。

分賦峽中延嶽名勝二首

當年開士望鄉臺日日思親揮淚回房陵風濤南斗
外孤帆遠影至今哀思親閣

誰攀高頂見曇華樹裡潛通一徑斜神雀曾從投此
嶺長餘翼影映朱霞丹雀嶺

夜雨子興子帛獻吉携酒至

積雨沈雲林下昏山陽狂客夜敲門濁醪知就黃壚
貫青眼那能不倒樽

飲子羽宅賦槿花

雨後東籬木槿開晚來偏似蕩行杯此花更共斜陽

落我輩通霄盡醉回

題嚴島圖扇面

貝闕飄飄大海涯島中煙樹映瑤階廣陵波浪靈妃
瑟併作清風入袖懷

羽林騎閨人

隊裡何人超我郎初隨御獵宿長楊惡聞到處多垂
楊今夜誰家繫驕驄

明妃曲

琵琶曲罷不勝愁只是紅顏淚自流夢斷穹廬霜色

冷月光猶似漢宮秋

夏日寄懷與人永子有

幽居羨爾卜青山三徑蕭條誰往還聞道先秋生爽氣朝來近對白河關

竹飲姪君勳辭去戲示之

山陽狂客厭塵囂白眼青樽興轉豪此日林中弄縱飲無為小阮抱琴逃

賽神曲

昨來潮落繫即舟無恙帆檣八月秋早起賽神催妙

妹婆娑連袂過江頭

雪中尋梅用源子蘭韻

雪裡聊吟水部詩思梅試欲問南枝相逢鶴斃神僊客應笑途中啟履遲

旅夜聽雨

板屋驚眠急雨飛挑燈撫枕戀庭闈却疑門外如絲道夢裡分明從此歸

栽花樹

夾徑桃花發色齊轉憐春意滿幽棲柴門從此何須

雨

閉縱有來人路自迷

春夜期客不至

豈是柴門迷薜蘿三更不見一人過望疲樹色千里外無限浮雲變態多

郊遊歸途過安陽夫

鶯花三月滿郊天自愧探芳逐少年何似君家銀甕裡春濃藥味酒如泉

子規啼時有止兒之感

明月無光掌上愁子規飛過暮江頭數聲忽入雲端

苦啼血何如淚血流

和瑞門師月夜竹下憶友作

秋早涼臺夜色分千竿脩竹映山雲爾時風月違玄度獨坐何堪對此君

賦得竹枝詞二首

峽口鳴榔月裡過夜深聲斷竹枝歌不知何處陽臺下雲雨于今入夢多

曉來春霧蔽行舟灘上回橈十二流兩岸猿聲驚客夢何堪落月照離愁

根

關山月

秋早更樓坐夜闌長安何處望雲端海風吹送邊聲起無那關山月裡寒

陌上美人

輓去鞦韆東陌傍為憐花柳捲帷裳翩翩公子相逢處目送春風停驂驕

長干行

舟船爭繫小長干月滿潮高夜轉寒君道揚帆明日去妾家春色有誰看

漢宮詞

才子如雲待詔同辭章經術各爭雄秋風一幸河東後倍識君王詞賦工
乘夜微行出九重期門相戒密相從長安街上天如水魚服誰知是白龍

將郊遊邀劉克紹不至賦此戲之二首

城東春滿萬人家莫謂郊天徑路遐但為風光迷醉客劉郎不敢問桃花

由來俠氣重東平三尺金刀星彩明坐使春光愁裡

畫此時誰道解人情

送春

江水流春客未歸山雲送色鳥空飛
風前獨坐林園晚恨殺餘芳落我衣

寄懷張陽潛夫老人二首

二十年前京洛間一時遊冶各紅顏
豈忘攜妓東山興幾度俱扶醉客還
風煙別後憶青春遙隔波濤張海濱
月出東西殊不遠各天同照白頭人

過左子嶽

子嶽善畫

秋早橋東晚氣孤涼亭樽酒對江湖
坐來不淺吳生興恍對嘉陵山水圖

飲子蘭其大孺人使來賜紫蘓酒共酌

雙成朝發闈宮隈報道壺中春色開
豈料人間嘗此品氤氳紫氣滿瓊杯

舊宮人

宮娃猶著石榴裙白髮何知鏡裡分
唱起先朝供奉曲數聲還怪不停雲

江樓望雪同諸子賦

江天雪色望中新相勸同乘杯裡春不但凝華深照
映由來如玉倚樓人

高尾旅夜宿望遠亭二首

洞扉斜掩白雲岑高卧閑房燭影深窟裡金銀結為
氣通宵徒照不貪心

雲遊三日客心閑遙隔東方世界間卧聽泉聲添雨
亂嵐邊何處雲溪關

攜伯鸞淹留高尾數日臨歸麟公有詩因賦

却寄

日日溪行漱淺沙飄英處處有桃花明朝劉阮人間
去祗恐兒孫怪鬢華

送滕子栢遊松島

僊臺東望五雲重羨爾揚帆問舊蹤到日海天何所
見蒼蒼七十二洲松

蓀夫公子命侍史滕季德畫王右丞送秘書
晁監歸日本圖余戲做右丞七絕體即圖畫
而題之

日本晁卿客異方每逢秋節倍懷鄉為憐三蓋山頭
月萬里將歸孤島傍

高尾客中遊望墟軒是北條氏諸將亡處
西來暮擁古城雲一半長巒雨色分大澤誰收諸將
骨鸛鵒唯似舊時軍

得子容書云娶少婦賦寄

報道東南孔雀飛翩翩近入翠羅幃洞房深鎖憐春
色辛苦何須倚織機

滕日夷罷去卜築城東金杉里二首

柳陰深處結茅茨夾戶蕭蕭十萬枝直置風烟園趣
好又移黃菊滿東籬

主人新帽製烏紗醉後盤桓竹徑斜儘怪行雲停不
散東隣知是莫愁家

峽中菊公留錫東都蓋數年近自坂本里移
居湯島有此寄

一去鄉山歲月深應思巫峽氣蕭森東西幾處移禪
石始識空門不住心

憐君留錫此安禪狼藉袈裟已十年縱是都門饒長

者何須就乞買山錢

飲邊令升新亭

高亭驚見障簾新永日堪憐桃李春恰好東林懸片
月照來花底抱杯人

訪平公素病

郭外風烟晴日稀休嗟伏枕負芳菲期君但合裁春
服諷詠相攜醉裡歸

向子真五十初度賦此寄賀

稱壽如雲簇客車開筵勝日比僊家五禽戲就人難

老萬樹春深杏著花

山家閨怨

寒盡山中未覺新空房無意玩芳辰晴光纔發庭柯
色何似蕭郎客裡春

水戶拾遺公子傳母平野氏壽歌

壽域高連朱邸長銷金帳裡駐春光西來應是瑤池
使花際銜桃青鳥翔

園菊為馬所嚙

何客東籬繫驢驢低頭嚙盡菊叢芳明朝更乞陶家

興愛爾幽香欲換腸

芝浦夜汎

孤舟一夜下漁汀波響何堪蓬底聽
含雨江天無月色篝燈處處亂如星

秋閨怨

城南一片月華流搗練霜寒萬戶秋
夢裡關山行不盡深閨夜色總堪愁

步虛詞

洞門晨閉五雲中知是飛僊朝紫宮
一去鳳鸞者不

見歌聲縹緲入天風

重 高登高尾山

嶽勢高連箕尾雄千峯爭起白雲中
曾遊猶未窮

峻徧喜丹梯有路通

山行示伯理

相攜足跡遍江山處處題詩嶂壁間
君自風流正沈沈
少魚寨名藥竟忘歸

秋雨東壁館小集得毫字

仰見雲霄東壁高館中公子鳳凰毛
天台咫尺

雨知是收霞讓絲毫

雞鳴曲

雞鳴窗外曙光浮睡起將梳上翠樓何事阿郎趨
早纔開妝鏡已呼裘

房州石子德舟邀於余余後期不上其舟
登津亭悵然久矣因賦此寄子德兼柬其友

人乎子文

目送歸舟對落暉津亭烟雨更霏霏房陵咫尺浮
裡羨見風帆如鳥飛

岐阜懷古

千仞岐山絕鳳鸞空餘霸跡冷盟壇中流倏楫孤
客更作雞籠柱笏者

發張陽赴京桑名舟中戲示同遊諸子

朝辭蓬島彩雲邊解纜灘頭七里船蓬裡誰將子
座回看天畔客星懸

嵯峨雜詠五首

誰道嵯峨徑路迷巋然永鎮鳳城西空王臺殿
起先帝園陵挾日齊

千峯競秀樹蒼蒼斜抱荒村桂水長引杖看過
地令人尚憶中書王

帝女當年戴勝冠歲時鄉薦守齋壇柴垣華表今
在猶作松風獨夜看

宮娃道跡有墳塋曲裡曾歌秋扇情想見奉書驄
使班鞭月下認琴聲

飛瀑千尋掛嶺頭南通大堰白雲流望中唯有斜陽
色一片嵐山紫翠浮

自菟道下伏陽舟中作

佳麗城南第一名山河繚繞鏡中明扁舟月出人
口玉更向桃花深處行

字家太孺人壽詞

桃花三月自芳菲阿母開顏出錦幃堂上宴闌歌無
起春風吹入老萊衣

春夜宿字子迪酌家醞

北斗門東溝水濱今宵天上酒星新我將信宿傾
釀太白浮來酬主人

共勸春醪琥珀光階前月色傍飛鷗一聲以走

笛片片梅花撲籟香

飲川君鼎別業

孤亭深鎖市門東，主是紅顏采藥翁。
終日宴酣樽酒盡，始知身在玉壺中。

送全中興國二師還鄉

告別春風向故園，雙飛金錫入天門。
禪心若道無歸思，濕扇何緣灑淚痕。

寄懷大舟師

跌坐山中古梵壇，麻衣應畏北風寒。
近來鑿齒無書

牘空向彌天憶道安

題田隲數辛夷園

十畝閑園淺水湄，數株移得種辛夷。
不知花發春風裡，更為何人折一枝。

送田子謹重髯髮山

知爾生平愛遠遊，乘春熟路向毛州。
雲間鬢髮迎得佳人黛色浮。

題玳瑁仙人圖應蓀夫公子求

羽客霓裳朝帝居，溪頭春女浣紗初。
輕風一

帶忽見雲中失步虛

送公謙孟堂子龍子友游繪島

僊島飄銀入畫圖壯遊何羨問方壺相攜好去探
穴誰得眠中領下珠

琅玕亭過飲

長夏園亭避暑杯永盤碧簟早涼開竹間風起如鳴
玉明月潛窺醉客來

海門秋望

飛樓一望海門秋波浪連天雨色收
估客揚帆三萬

舶西風駕去入湖頭

送垣栗卿遊峽中

誰謂西來峽路難白雲紅樹滿林巒此行羨爾秋冬
際堪作山陰道上看

送洪雲師抱疾還臬州

現病何妨雪裡回元知法侶有僊才金華山
草采盡春風飛錫來

六宮春鶯怨

春鶯何處上林頭近隔簾櫳聲自流奉帚紅
絲

女聞時腸斷六宮秋

寄懷鷄本莊

雙魚不下久蕭條一水盈盈咫尺遙虹影忽浮斜
裡側身偏望第三橋

送滕必大攜二門生遊豆陽諸山

相忘游放此身輕險路猶傾曲笠行更為羊何扶瞎
具能令丘壑愜幽情

伯理沒後夜過其舊居松樓

開戶無人夜色分數聲隣笛不堪聞唯留一片松栢

月近對孤墳高里雲

夏日得玉泉安道士寄懷之作一律余乃賦

七絕五首却寄

修真憐爾鎖幽扃雨歇前溪一片青落日山陰何處

好擁鴉移簟點黃庭

長夏爭開珠葉花枝枝交影自橫斜夜潭水

舸更共何人弄月華

八甲峯巒繞四隣絳雲常護學僊人君家別有易

調一曲瑤簫白雪新

醉卧山中六月寒北窗高枕脫黃冠遙思壺
熟千里飛杯亦不難
雲中忽喜報瑤音不異人間別後心倘憶昔遊詩
興披來毛褐更森森

花下美人

晴雲白日映娥眉轉愛遊絲逐步移滿樹桃花嬌欲
語何妨纖手仰攀枝

閨情

郎言乘月愛舟行知是中流向石城應憶秋風機杼

鄉音何如子夜四時聲

邊庭四時怨

暮度交河水未開相逢獵騎並鑣回不知何處梅花
落笛裡還疑春色來

六月棲棲在朔陲烟塵猶自滯歸期雲形似動詩
色正是鄉關著俗時

黃榆霜落已秋風遙望關山明月中偶有寄衣家信
至開筐一半淚痕紅

雨雪飄飄北戰袍鞍頭手凍失弓刀
酖酥傾

醉更見寒元縮馬毛

菱荷園文集初編卷之五終

青女食

